



CANTON SARAJEVO
Anti-Corruption and Quality Control Office

Broj: 20-14-23058-12/19

Datum: 19.07.2019. godine

Na osnovu člana 64. stav (1) tačka b), člana 70. st. (1), (3) i (6) i člana 89. stav (1) Zakona o javnim nabavkama („Sl. glasnik BiH“, broj 39/14), a u skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo" br. 7/18 i 21/19), šef Ureda za borbu protiv korupcije i upravljanje kvalitetom Kantona Sarajevo, donosi

ODLUKU

o izboru najpovoljnijeg ponuđača u konkurentskom postupku javne nabavke računara i računarske opreme

Član 1.

(Predmet Odluke)

Prihvata se Preporuka Komisije za javnu nabavku računara i računarske opreme i ugovor za predmetnu javnu nabavku dodjeljuje se najpovoljnijem ponuđaču „EMADO” d.o.o. Sarajevo, ponuda broj: 030719zt01 od 03.07.2019. godine, zaprimljena pod brojem 20-14-26803 od 03.07.2019. godine, i konačna ponuda nakon provedene E-aukcije od 10.07.2019. godine, za ponudenu ukupnu cijenu u iznosu od 13.729,00 KM bez PDV-a, odnosno 16.062,93 KM sa PDV-om.

Član 2.

(Prijedlog ugovora)

1. Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (u daljem tekstu: Zakon).
2. Izabrani ponuđač je dužan dostaviti dokumente zahtijevane tenderskom dokumentacijom iz člana 45. i 47. Zakona u roku od 3 dana od dana prijema ove odluke.
3. U slučaju da izabrani ponuđač propusti dostaviti tražene dokumente u određenom roku, Ured za borbu protiv korupcije i upravljanje kvalitetom Kantona Sarajevo će postupiti u skladu sa članom 72. stav (3) Zakona.



Član 3.
(Objava Odluke)

Ova odluka objavit će se na web-stranici ugovornog organa www.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 20-14-23058 od 18.06.2019. godine.

Javna nabavka je provedena putem konkurentskog postupka javne nabavke.

Ukupna procijenjena vrijednost nabavke iznosi 14.400,00 KM bez PDV-a.

Obavještenje o nabavci broj: 15778-7-1-3-3-1/19 objavljeno je dana 20.06.2019. godine. Tenderska dokumentacija objavljena je na portalu javnih nabavki dana 20.06.2019. godine.

Komisija za javnu nabavku imenovana je Rješenjem o imenovanju broj: 20-14-23058-2 od 18.06.2019. godine.

Krajnji rok za prijem ponuda bio je: 03.07.2019. godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 20-14-23058-11 od 19.07.2019. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 6
- Broj blagovremeno zaprimljenih ponuda: 6
- Broj neblagovremeno zaprimljenih ponuda: 0
- Broj prihvatljivih ponuda: 2
- Broj neprihvatljivih ponuda: 4

Komisija je pristupila analizi dostavljene dokumentacije u smislu provjere validnosti ponude obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223
Sarajevo, Reisa Džemaludina Čauševića 1



Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda:

Br. protokola ugovornog organa	Rd.br. omotnice ponude	Naziv ponuđača	Ukupna cijena ponude bez/sa PDV	Ponuđeni popust
20-14-26455	1	NETWORK 1 d.o.o.	14.350,00/16.789,50	/
20-14-26711	2	ELUR d.o.o.	14.400,00/16.848,00	/
20-14-26715	3	GODIMERC d.o.o.	10.404,00/12.172,68	/
20-14-26803	4	EMADO d.o.o.	14.320,00/16.754,40	/
20-14-26805	5	INTER-COM d.o.o.	14.117,00/16.516,89	/
20-14-26831	6	ASPO RAIL d.o.o.	14.287,00/ 16.715,79	/

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

Ponuđač **EMADO d.o.o** je dostavio kompletnu i formalno pravno ispravnu ponudu, te se njegova ponuda ocjenjuje kao prihvatljiva.

Ponuđač **ASPO RAIL d.o.o.** je u toku pripreme ponude napravio grešku u računskoj operaciji množenja jediničnih cijena sa predviđenim količinama, i to za stavku br. 4 – MFC uređaj - jedinična cijena 543,00 x **1 komad** – gdje je naveo da je ukupna cijena po ovoj stavci 1.086,00 KM, dok je pravilnom primjenom računске operacije množenja utvrđeno da ukupna cijena za ovu stavku iznosi 543,00 KM.

Komisija je izvršila ispravku računске greške ponuđača, te je ponuđaču upućen zahtjev za ispravku računске greške, a što je isti u potpunosti i potvrdio.

Ispravna ukupna cijena ponude ponuđača ASPO RAIL d.o.o. iznosi 13.744,00 KM bez PDV-a, PDV 2.336,48 KM, te cijena ponude sa PDV-om 16.080,48 KM.

Slijedom navedenog, ponuda ponuđača ASPO RAIL d.o.o. se ocjenjuje kompletnom i formalno pravno ispravnom, odnosno prihvatljivom za ugovorni organ.

Ponuđač **NETWORK 1. d.o.o.** je propustio dostaviti ponudu u skladu sa odredbama Tenderske dokumentacije, iz razloga što je dostavio kopije bilansa stanja i bilansa uspjeha za 2017. godinu, dok je Poglavljem III - Uslovi za kvalifikaciju ponuđača, tačka 1.4 Tenderske dokumentacije definisano da su ponuđači obavezni dostaviti bilanse stanja i uspjeha za 2018. godinu.

Na osnovu navedenog, ponuda ponuđača se odbacuje u skladu sa članom 68. stav (4) tačka i) Zakona.

Ponuđač **ELUR d.o.o.** je propustio dostaviti ponudu u skladu sa odredbama Tenderske dokumentacije iz sljedećih razloga:

Ponuđač nije dostavio kopiju ponude, a kako je traženo Poglavljem IV – Podaci o ponudi, tačka 1) Sadržaj ponude, podtačka p), te je njegova ponuda u ovom smislu formalno pravno neprihvatljiva.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223
Sarajevo, Reisa Džemaludina Čauševića 1



Tenderskom dokumentacijom je za stavku 6. predmetne robe, a prema Obrascu za cijenu ponude – Prilog 2, između ostalog zahtjevano "Bluetooth" povezivanje, a što je prema priloženim tehničkim specifikacijama ponuđač propustio dostaviti ili dokazati, te je njegova ponuda u ovom smislu tehnički neprihvatljiva.

Na osnovu navedenog, ponuda ponuđača se odbacuje u skladu sa članom 68. stav (4) tačka i) Zakona.

Ponuđač **GODIMERC d.o.o.** je propustio dostaviti ponudu u skladu sa minimalnim tehničkim specifikacijama definisanim u Obrascu za cijenu ponude – Prilog 2 Tenderske dokumentacije i to iz sljedećih razloga:

Tenderskom dokumentacijom je za stavku 1 – Laptop, između ostalog traženo min. 8GB RAM, dok je u dostavljenim specifikacijama navedeno da ponuđeni laptop posjeduje 4+2GB RAM što je manje od traženog.

Tenderskom dokumentacijom je za istu stavku tražen i operativni sistem Windows 10 PRO, dok je u dostavljenim specifikacijama navedeno "Windows 10 home".

Na osnovu navedenog, ponuda ponuđača se kao tehnički neprihvatljiva odbacuje u skladu sa članom 68. stav (4) tačka i) Zakona.

Ponuđač **INTER-COM d.o.o.** je propustio dostaviti ponudu u skladu sa minimalnim tehničkim specifikacijama definisanim u Obrascu za cijenu ponude – Prilog 2 Tenderske dokumentacije iz razloga što je prema dostavljenim tehničkim specifikacijama nije navedeno/dokazano da laserski printer tražen pod stavkom broj 3 Obrasca za cijenu ponude – Prilog 2 posjeduje ethernet povezivanje, a što je zahtijevano Tenderskom dokumentacijom.

Na osnovu navedenog, ponuda ponuđača se kao tehnički neprihvatljiva odbacuje u skladu sa članom 68. stav (4) tačka i) Zakona.

U skladu sa odredbama tenderske dokumentacije, održana je E-aukcija dana 10.07.2019. godine sa početkom u 11:00h, a ista je okončana u 11:10h.

Ponuđači su u toku E-aukcije podnosili ponude, te je konačna rang lista kako slijedi:

R. br.	Naziv ponuđača	Konačna cijena u KM bez PDV-a	Rang
1.	EMADO d.o.o.	13.729,00 KM	1
2.	ASPO RAIL d.o.o.	13.744,00 KM	2

Na osnovu Izvještaja o toku i završetku E-aukcije, a u skladu sa kriterijem najniža cijena tehnički zadovoljavajuće ponude Komisija je dala preporuku rukovodiocu ugovornog organa da ugovor o javnoj nabavci dodijeli prvorangiranom najpovoljnijem ponuđaču, i to EMADO d.o.o. Sarajevo za ponuđenu cijenu u iznosu od 13.729,00 KM bez PDV-a, odnosno 16.062,93 KM sa PDV-om..

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.



web: <http://vlada.ks.gov.ba>

e-mail: uk@uk.ks.gov.ba

Tel: + 387 (0) 33 562-277,

Fax: + 387 (0) 33 562-223

Sarajevo, Reisa Džemaludina Čauševića 1



Iz navedenih razloga, primjenom člana 64. stava (1) tačka b) i člana 89. stav (1) Zakona, odlučeno je kao u dispozitivu.

POUKA O PRAVNOM LIJEKU:

U skladu sa članom 101. stav (5) Zakona, protiv ove Odluke može se izjaviti žalba ugovornom organu, najkasnije u roku od pet (5) dana od dana prijema ove Odluke, na način propisan članom 99. Zakona i 105. Zakona.



PO OVLAŠTENJU ŠEFA UREDA

Faruk Šahbegović

Prilog:

Zapisnik o pregledu i ocjeni ponuda

Dostaviti:

1. Ponuđačima
2. a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223
Sarajevo, Reisa Džemaludina Čauševića 1

